

ORASAUN NO SELEBRASAUN TAKA ESTUDU FRATELLI TUTTI

KNANANUK: Na'i mak domin

G: Ita celebra hodi Maromak naran ne'ebé halo ita no ho ita sai unidade, Maromak dame nian, Maromak ne'ebé halo ita sai maun no biin-alin, Aman, Oan no Espíritu Santu

H: Amen.

ORASAUN HAHÚ:

Na'i no Aman humanidade nian,
ne'ebé hakiak ser umanu sira ho dignidade hanesan,
tau iha ami fuan sira espíritu fraternu.
Inspira iha mai mehi ba enkontru ida ne'ebé foun, diálogo nian, jusitisa nian no dame nian.
Estimula ami atu kria sosiedade saudavel liután no mundu dignu liután,
lahó hamlaha, lahó pobreza, lahó violénsia, lahó funu.
Atu ami-nia fuan loka ba povu no nasaun hotu rai nian,
atu rekoñese di'ak no fafurak
ne'ebé Ita kuda iha sira ida-idak,
atu estabelese lasu amizade nian, projetu komún sira,
esperansa kompartillada sira. Amen.

MAROMAK NIA LIAFUAN:

Husi Evanjellu S. Lucas nian (Lc 10, 25-37)

KNANANUK: Ita sei hadomi malu

FRATELLI TUTTI:

G: Mai ita rona Papa Francisco nia liafuan sira, foti husi Ensíklika "*Fratelli tutti*", publika iha 3 Outubru 2020.

L 1: (...) Jezús haktuir katak iha ema ida kanek, latan iha dalan, ema na'ok nia. Ema barak liu husi nia sorin maibé sira bá, la para. Sira ema ho funsaun importante iha sosiedade, ne'ebé iha fuan la iha domin ba di'ak komún. Sira la iha kapasidade atu lakon minutu ruma atu tau matan ba ema kanek eh, pelumenus, buka tulun. Ema ida para, oferese prosimidade, kura nia ho nia liman rasik, tau mós osan husi nia bolsu no okupa ho nia. Liuliu fó buat ruma ba nia, ne'ebé iha mundu ida be halai lalais. Ita buka tetu didi'ak: nia fó nia tempu. Konserteza nia iha ninia planu sira atu aproveita loron ne'ebá ba ninia nesesidade sira, kompromisu sira eh dezeju sira. Maibé nia konsege tau ba sorin bainhira haree ema kanek no, maski la koñese nia, nia konsidera dignu atu dedika nia tempu ba nia.

Ho sé mak ó identifika ó an: Ne'e mak pergunta ida ne'ebé maka'as, direta no determinante. Ho sé mak ó hanesan? Ita presiza rekoñese tentasaun hale'u ita atu la iha interese ba ema sira seluk, liuliu sira ne'ebé fraku. Ita dehan katak ita sai boot iha aspetu barak maibé ita analfabetu iha akompañia, tau matan no sustenta sira ne'ebé frajil no vulneravel liu husi ita-nia sosiedade dezenvolvida sira. Ita toman atu hateke ba sorin seluk, atu liu iha sorin, atu ignora situasaun sira to'o bainhira la kona ita direktamente.

L 2: (...) Ita hateke ba modelu samaritanu di'ak. Ne'e mak testu ida ne'ebé konvida ita atu hamosu hikas ita-nia vokasaun sidadaun nian iha país rasik no iha mundu tomak, konstrutór sira ba vínkulu sosiál foun. Maski hakerek iha ita-nia ser nu'udar lei fundamentál, ne'e mak apelu ida foun nafatin: atu sosiedade la'o atu atinje di'ak komún no, husi finalidade ne'e, hari'i nafatin ninia orden polítika no sosiál, relasaun sira nia lala'ok,

ninia projetu umanu. Ho ninia jestu sira, samaritanu di'ak hatudu katak «ita ida-idak nia ezisténsia liga ho ema sira seluk nian: moris la'ós tempu ne'ebé liu, maibé tempu enkontru nian».

L 3: Ai-knanoik ne'e mak íkone ne'ebé leno, ho kbiit atu tau iha evidénsia opsaun fundamentál ne'ebé ita presiza foti atu harii hikasfali mundu ne'e ne'ebé ita laran susar. Iha terus barak, kanek barak nia oin, dalan ida mesak atu sai husi ne'e mak sai hanesan samaritanu di'ak. Opsaun sira seluk lori eh ba parte na'ok-teen sira-nian eh ba sira ne'ebé liu husi sorin hodi la iha kompaixaun ba ema kanek iha dalan ninia terus. Ai-knanoik hatudu mai ita inisiativa sira ne'ebé bele harii hikas comunidade ida hahú husi mane no fetu sira ne'ebé asume ema seluk nia fragilidade sira nu'udar sira-nian, ne'ebé la husik atu harii sosiedade ida eskluzaun nian, maibé sai maluk no halo hamriik no rehabilita mane ne'ebé monu, atu di'ak sai komún. Tempu hanesan, ai-knanoik, bolu atensaun mai ita kona-ba atitude ruma ema sira ne'ebé hateke de'it ba an rasik no la foti empeñu ba ezijénsia sira realidade umana nian ne'ebé ita labele tau sees.

L 4: Narrasaun ne'e, ita dehan momoos, la dezenvolve hanorin ho ideia abstatu sira, no la limita an ba fungsionalidade morál étiku-sosiál ida. Nia revela mai ita karakteristikta esensiál ida ser umanu nian, ne'ebé dalabarak haluha: ita moris ba plenitude, ne'ebé bele alkansa de'it iha domin. Moris indiferente ba terus la'ós opsaun posivel ida; ita labele husik ema ida monu «iha moris nia ninin». Buat ne'e tenke halo ita hirus, to'o halo ita sai husi ita-nia hakmatek hodi envolve an ho sofrimentu umanu. Ida-ne'e mak dignidade.

Silénsiu breve

ATIVIDADE

G: Hodi uza tijolu sira ne'ebé Maromak nia Liafuan no Fratelli Tutti fó, mai ita harii Fraternidade no amizade sosiál! (foti husi Kap.7-8). Irmán ida-idak sei ba hakerek ninia empeñu iha kuadru.

APELU: Mai ita fó sai hikas Amu-Papa no Imán Boot Ahmad Al-Tayyeb nia apelu ba dame, justisa no fraternidade hodi husu Na'i nia tulun.

Ba parágrafo ida-idak ita interkala nia leitura ho knananuk: “Laudate omnes gentes”

«Hodi Maromak naran, ne'ebé hakiak ser umanu hotu hanesan iha diretu, devér no dignidade no bolu sira atu moris hamutuk nu'udar maun-alin sira, atu hakonu rai no halekar iha nia valór sira di'ak nian, karidade nian no dame nian.

Hodi klamar umana inosente nia naran ne'ebé Maromak bandu atu oho, hodi afirma katak ema naran de'it ne'ebé oho ema ida hanesan oho umanidade tomak no ema naran de'it ne'ebé salva ema ida nia salva umanidade tomak.

Hodi ema kiak sira naran, ema mukt sira, ema nesositadu no marjinalizadu sira, ne'ebé Maromak fó orden atu tulun nu'udar devér ida ezije ba ema hotu no ho modu partikulár ba ema ho kapasidade no ho soin.

Hodi oan-kiak sira, fetu-faluk sira, refujiadu no eziladu sira husi sira uma no rain nia naran; hodi vítima hotu funu nian, persegisaun no injustisa nian; hodi ema fraku sira, sira ne'ebé moris iha ta'uk, hodi dadur sira funu nian no torturadu sira iha parte hotu mundu nian, lahó distinsaun ida nia naran.

Hodi povu sira ne'ebé lakon seguransa, dame no konvivénsia komún nian naran, sai vítima destruisaun nian, ruina no funu sia-nian.

Hodi “*fraternidade umana*” nia naran, ne'ebé hakohak ema hotu, kesi sira hotu no halo sira hanesan.

Hodi *fraternidade* ne'e nia naran, ne'ebé polítika integralizmu no divizaun nian no sistema lukru deskontroladu no tendénsia ideolójika ema odeia hakanek, ne'ebé manipula ema sira nia asaun no destinu sira.

Hodi liberdade nia naran, ne'ebé Maromak fó ba ser umanu hotu, hodi kria sira livre no distinge sira ho liberdade ne'e.

Hodi justisa no mizerikórdia nia naran, fundamentu prosperidade nian no pilár fiar nian.

Hodi ema hotu ho vontade dí'ak nia naran, presente iha sikun hotu rai nian.

Hodi Maromak nia naran no buat sira ne'e hotu, (...) ita deklara adota kultura diálogu nian nu'udar dalan; kolaborasaun komún nu'udar hahalok; koñesimentu mútuu nu'udar métodu no kritériu».

AMI AMAN

ORASAUN FINÁL

Ami agradece Ita, Na'i, no ami hasa'e hahí ba Ita: dalabarak Ita ko'alia ba ami aman sira ho modu oioin liuhusi profeta sira no iha tempu ikus ko'alia mai ami liuhusi Ita Oan, atu hatudu ba ema hotu rikusoin Ita grasa nian; ho Ita laran-di'ak hateke mai ami: tulun ani atu haree sinál sira Ita hakaran nian, atu hodi halo tuir Ita hakaran ami bele lori fuan naresin hahalok di'ak sira-nian.

KNANANUK: Resta accanto a me (Gen Verde)

Ora vado sulla mia strada
con l'amore tuo che mi guida
o Signore, ovunque io vada
resta accanto a me

Io ti prego, stammi vicino
ogni passo del mio cammino
ogni notte, ogni mattino
resta accanto a me.

Il tuo sguardo puro sia luce per me
e la tua parola sia voce per me.
Che io trovi il senso del mio andare
solo in te, nel tuo fedele amare il mio perché.

Fa' che chi mi guarda non veda che te
fa' che chi mi ascolta non senta che te
e chi pensa a me, fa' che nel cuore pensi a te
e trovi quell'amore che hai dato a me.